

երեխաներիս հետ հասայ Բագու-Թիֆլիզեան երկաթուղու կայարաններից մէկը, իսկ այնտեղից էլ Թիֆլիզ: Ապա թէ ոչ՝ Սիրիբից փախած թուրք աւագակապետը պիտի կալանաւորէր ինձ և ամհնածանր փրկանք պիտի պահանջէր իմ հարազատներիցս:

Տեսնելով և ի մտոյ ծանօթ լինելով մահմեղականացած Հայերի այս աստիճան մոլեռանդութիւնն ու դաժանութիւնը, ես միշտ ասել եմ և էլի կասեմ, որ հրեշտակային բնաւորութիւն ունեցող և տոհմային ցեղական ընտիր յատկութիւններով օժտուած քրիստոնեայ մի որևէ ազգի զաւակ՝ լինի նա Հայ, Յոյն, Ասորի, կամ նոյն իսկ քաղաքակրթուած գերմանացու կամ Ֆրանսիացու զաւակ, երբոր իւր հայրենի կրօնը փոխելով՝ ուրիշ կրօն է ընդունում, նա դառնում է կատարեալ մի գազան՝ իւր նախկին ցեղակիցներին փխսելու և իսպառ ջնջելու գործում: Կարծէք թէ այսպիսի կրօնափոխների համար է ձևած ու յարմարեցրած թրքական յայտնի առածն, որ ասում է. «Շարարտան-չախրդան դէօնան սիրքէ, չոխ քեասքին օլար»:— Այսինքն՝ գիտուց դարձած քացախը, շատ կտրուկ կլինի: Ուտիացոց աշխարհի երկրագործ և աշխատասէր ժողովրդին՝ այս անիրաւ և անխիղճ բէկերի անվերջ հալածանքներից ու հարստահարութիւններից փրկելու միակ միջոցն է ուսում և կրթութիւն տալ նրանց երեխաներին. իսկ երկրագործ Հայ և թուրք ժողովուրդների սրբազան պարտքն է միասիրտ և միահոգի կռիւ մղել անիրաւ բէկերի և